

PLOANIES DA SAN MARTIN Y LUNGIARÜ

La Uniun dles porsones vèdues y sores inviëia al iade a Sarnthein al 01/06. Anunziessse cina ai 28/05 pro 0474 590 069 o rapr. d'osc paisc. *Info plü avisa tla proscima plata*

Le miscionar combonian pater Pius Daprè MCCJ dij bel dilan dles ofertes jüdes ite por les misciuns ai 29/30 d'auri: a Longiarü: 674 € y a San Martin: 1.449 €

Cun osta sotescriziun sön la detlaraziun dl davagn y söl mod. CU (Certificazione Unica) podëise destiné l'8 pormile dles cutes paiades ite ala Dlijia Catolica.

Cun na secunda sotescriziun podëise destiné 5 pormile dles cutes paiades ite a istituziuns y assoziaziuns religiozes y soziales de nosta diozeja.

Chi che ne dá jö degöna detlaraziun dl davagn pó la fá cun la sotescriziun sön le formular cun la coperta lapró, metü fora sön scafa di libri te dljia.

SAN MARTIN

L'Assoziaziun Turistica rengraziëia dotes les uniuns y i voluntars che a daidé en sabeda romenë sö le paisc da San Martin. Dilan de osc sorvij.

I Seniors da S. Martin é dër invia ala jita a Maran en jöbia, ai 18 de ma; *ciarede dessot*

LUNGIARÜ

Al vëgn dër bel perié do le **contribut por la ploania** de 20 euro por porsona, tuc fora i studënc, che vëgn trat ite les domënies ai 21 y ai 28 de ma do mëssa te colonia.

I Seniors da Lungiarü é bel invia ala jita a Maran, en jöbia, ai 18 de ma; *ciarede dessot*

Les Uniuns di Seniors da San Martin y Antermëia y da Lungiarü inviëia ala jita a Maran en jöbia, ai 18 de ma, jon a vijité le museum dla ferata a Rabland, a marëna tla Forst a Algund y domisdé a fá na spazirada a Maran sön le Tappeinerweg. Le cost é de 15 euro porom, la marëna se paia vignun instës. I piun ia da Lungiarü dales 7.15 da San Martin dales 7.30. Prenotesse pro Alfred Ploner 333 36 54 786 o Annelies Schanung 346 35 87 173 / 0474 590 067 cina ai 15 de ma. Gnide tröc, i se fajun deboriada n bel de.

Invit al concert dla Musiga La Val insnöt, sabeda, 13/05, 20.30, tla palestra da La Val.

Dé Internazional tl Museum Ladin en domënia ai 21 de ma, cun deplü initiatives.

Entrada debann. Tl ciastel de Tor vëgnel pité de vigni sort de strinëc, tiran ite gragn y pici. Les representaziuns é dales 14.30 y dales 16.30. Le Museum é davert dales 14.00 ales 18.00. Da odëi é ince la mostra dla Trienala Ladina.

Tl Museum Ladin a San Ciascian respogn n paleontologh ales domandes sura corëc, an pó porté da ciasa peres y le geolog spliga de ci sort ch'al se trata. Le Museum é davert dales 10.00 ales 18.00 y les incuntades é dales 11.00, 14.30 y 16.00. Düc é invia.

Le Sorvisc ai Jogn chir voluntars da daidé pro la "Festa di mituns 2017" ai 11 de messé, dales 09.00-17.00, o ince ma mez le de. Chi che ess interes pó cherdé sö 0474 523 070 cina ai 27 de ma (dal lönesc ala jöbia dales 08.00-12.00 y 13.00-17.00).

Sorvisc ai Jogn: Pori jogn danter 13 y 19 agn che n'á nia ciamó n laur por l'iste: Scribe ite al proiet JABA 2017, dai 15 de ma inant tl ofize Sorvisc ai Jogn a Picolin (dal lönesc ala jöbia dales 08.00-12.00 y dales 13.00-17.00) o tl Zënter dla Jonëza SaJ.un a La Ila (mercu 13.30-20.00, vëndres 15.00-22.00 y sabeda 17.00-23.00)

En jöbia ai 18 de ma s'incunta le grup de tēmp lēde Atmosfera por eres y ei atocá da problems psichics dales 15.30 tla sēnta dl Raiun Sozial a Picolin. I laurarun cun arjla cun Irina Tavella y Barbara Rungger. Info Sabine Rainer 0474 524 519. Düc é bëgnnüs.

Tl Zenter families mareo a Al Plan, ai 26 de ma, dales 9.30-11.30. Al vëgn mostré co ch'an po porté i pici mituns (ince cun la peza). Le curs é limité a 4 porsones.

Informaziuns y prenotaziuns pro Sofia 338 71 73 577.



www.unitepastorla.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

14.05.17 – 21.05.17 nr. 25

termo da publiché: jöbia 20.00
radio: 90,40 / 93,70

CUINTA DOMËNIA DE PASCA – A

Vangele: Jan 14,1-12

Te chël tēmp à Gejù dit a sù discepu: I va a ves arjigné ca n post?

Canch'i sarun jü y ves arà arjigné ca n post,

vëgni indô, y i ves condüji da mè,

por ch'i sëise ince os, olache iö sun.

Y olache iö va – chël tru conescëise pö.

Tomesc ti à dit:

Signur, i ne savun nia olache te vas.

Cô désson pa spo conësce le tru?


Gejù ti à dit:

Iö sun le tru y la verité y la vita;

degügn ne röia dal Pere ater co tres mè.

⁷Canch'i m'arëis conesciü, conesciarëise ince mi Pere.

Bele sëgn le conescëise y l'ëise odü.



I discepu n'arà indinenia capí döt, ci che Gejù ti à dit te so discurs de comié.

Y gnanca iö ne capësci döt, mo öna na cossa me pê importanta por mia vita.

I á na patria pro Chël Bel Dî. Vigni iade ch'al ne me sá nia da ciasa, deache i ne vëgni nia capí, deach'i ne sun nia cuntënt cun me, deach'ara ne me vá nia bun, dailó é chësc por mé dër de confort: I á na patria pro Chël Bel Dî.

Chësc n'é por me nia ma na consolaziun por do la mort, ara ne se trata nia ma dla patria eterna pro Chël Bel Dî, mo ch'i sun bele sëgn da ciasa pro d'ël.

Avëi n daciassa ó dí por me: Avëi n post olach'i sun bëgnodü sciöch'i sun, olach'i po ciáfë pesc, olach'i pó lascé jö döt ci che me pësa te d'atres mans, tles mans de Dî.

Chësc daciassa pro Chël Bel Dî pói sintí bele sön chësc monn, por ejëmpl, tles zelebrazions de dljia y dantadöt tla oraziun.

La oraziun da vigni de é por me na proa, n alenamënt, da me sintí da ciasa pro Chël Bel Dî, aspetan le de ch'i podará me sintí tut sö da d'ël por dagnora.

Michael Tillmann

	SAN MARTIN	LUNGIARÜ	
14.05.17 5ª DOMÈNIA DE PASCA -A De dla Uma	Festa dla Pröma Comuniun 9.30 Ingres te dlijia cun i Comunicanc Mëssa dla Pröma Comuniun y impormetüdes dl bato 19.30 Corona de ma sö Ju	7.55 Corona 8.15 Gran Mëssa 15.00 Corona tla Capela da Seres	 Periera de dilan <i>Bel Dî, i te diji dilan de mia uma tan demorvëia. Ara m'á metü al monn, a d'ëra y a mi pere ti sunsi de debit la vita. Cun finëza m'ára tut te sü brac. Ara capî ci che me fajô bun y â ion. Ara me cuntâ dant y m'â metü a rí. Me tignin pro súa man âi imparé da jí. Ara s'alegrâ por vigni vare ch'i jô inant. Degügn ne m'á consolé deplü co ëra, sc'al ê val' che me drucâ. Benedëscela y fá so cör contënt, dáí forza y ejaudësc i dejiers de so cör – incö y por dagnora. Amen</i> PRÖMA COMUNIUN A SAN MARTIN  I tolun sö cun ligrëza i mituns y les mitans che vëgn pomez ala mësa dl Signur y che tol cun nos pert a so past: Mia Bassutti, Emma Costalunga, Benedetta Sardi, Noemi Tschaffert, Denise Verginer, Max Ferdigg, Brian Mühlmann, Marian Planatscher, Hannes Videsott, <i>Pere, te nes as dé Gejú sciöche nosc fre. Nosc/ta möt/a á metü man da ti orëi bun. Porchël orunse le/la lasce to pert al past de comuniun incër túa mësa. Dëidesse, Signur, da crëie cun reconescënza te túa presënza. Scínchesse cun la festa tla pröma comuniun la ligrëza da sintí la comunité cun te y cun düc chi che t'ó bun.</i>
15.05.17 Lönesc <i>Sofia, Sonia,</i>	19.30 Corona de ma a Picolin	20.00 Corona de ma tla capela de S. Ujöp	
16.05.17 Dedolönesc <i>Johannes Nepomuck, Ubald</i>	15.30 Mëssa it'a Bioch en onur de Santa Maria families de Doro Verginer dl ann + Erwin Rungger + Artur Conrater		
17.05.17 Dedemesaledema <i>Dietmar, Walter</i>	19.30 Corona de ma a Bioch 20.00 Corona de ma sö Frëina	7.30 Mëssa di scholars dl ann + Albino Clara + + Nisio y Milia Clara	
18.05.17 Jöbia <i>Jan, Felix, Erich</i>	7.30 Mëssa di scholars en onur de S. Ujöp Freinademetz + Helmut Dejaco (dl ann) + Pepi Agreiter + Robert y Franzisca Chiesa Corona por vocaziuns	19.00 Tru dles Staziuns Mëssa tla capela de S. Ujöp Fr. cun la Uniun dles ëres y i cresimanc	
19.05.17 Vëndres <i>Ivo, Zelestin, Cuno</i>	18.30 Adoraziun chîta 19.00 Adoraziun deboriada	7.30 Mëssa + + Emilia Mischi y Catarina Tatz	
20.05.17 Sabeda <i>Bernardin, Elfriede, Valeria</i>	15.30 Mëssa tla Ciasa de Palsa 18.30 Mëssa prefestia families Rungger, Mirí dl ann + Pire Sorà + + Carlo y Hannele Zingerle	20.00 Mëssa prefestia düc i + + dl Iachin + Anny Schanung dl ann + Rudi Moling	
21.05.17 6ª DOMÈNIA DE PASCA -A	9.00 Corona 9.30 Gran Mëssa 19.30 Corona de ma sö Ju	7.55 Corona 8.15 Gran Mëssa en onur de Santa Rita da Cascia 15.00 Corona tla Capela da Seres	